


Migracija, ekstremizam i opasne igre prebacivanja krivice

Dešavanja i dinamika u Srbiji

Ubrzani dolazak stotina hiljada migranata u Evropsku uniju (EU) s Bliskog istoka, iz južne Azije i Afrike koji je započeo 2015. godine vremenski se poklopio s porastom podrške za antiimigrantsku retoriku i krajnju desnicu u mnogim evropskim zemljama. Značajan broj tih migranata stigao je u EU putem koji je postao poznat kao „Balkan Route“ (Balkanska ruta), glavna tranzitna kopnena ruta koja siječe područje Zapadnog Balkana. No, 2016. godine ta ruta je zvanično „zatvorena“ te su mnogi od tih ljudi koji su se pokušavali domoći Evrope praktično ostali zaglavljani unutar Balkana. Na primjer, 2020. godine je unutar granica Srbije u svakom trenutku bilo prisutno više od 7.000 migranata i izbjeglica. To prisustvo migranata unutar Balkana nije prošlo neprimijećeno te je, u nekim slučajevima, čak podsticalo povećanu aktivnost i mobiliziranje među akterima na krajnjoj desnici koji su se protivili prisustvu migranata u regionu. Istražujući taj fenomen, ovaj izvještaj se fokusira na dinamiku u oblasti migracija i reakcije krajnje desnice na nju u Srbiji, jednoj od zemalja na putu poznatom kao Balkan Route (Balkanska ruta).

Više informacija potražite: Marina Lažetić, [***Migracija, ekstremizam i opasne igre prebacivanja krivice: Dešavanja i dinamika u Srbiji \(izvršni sažetak\)***](#), RESOLVE Network, 2022.



Migracija: novi okvir za aktuelni fenomen

Organizacija među krajnjom desnicom u Srbiji i ideološki stavovi unutar nje su, historijski gledano, duboko ukorijenjeni u ideji da je „nacionalni identitet“ Srbije potrebno zaštititi od onih koje se smatra za neprijatelje. Iako se uloga „neprijatelja“ tokom decenija dodjeljivala raznim subjektima, posljednjih godina se unutar krajnje desnice u Srbiji razvio snažan antiimigracijski narativ koji migrante i izbjeglice izdvaja kao drugačije, prikazujući ih kao subjekt čija kultura i vrijednosti predstavljaju prijetnju za srpski narod i njegov identitet.



Pogoršavanje krize: uticaj pandemije

Teška situacija za nekoliko hiljada migranata koji su zaglavljani na Balkanu u pokušajima da se domognu zapadne Evrope, skupa s pojačavanjem antiimigracijskih kampanja, dodatno je pogoršana pandemijom virusa COVID-19. Iako se pandemija vremenski poklopila s globalnim jačanjem antiimigrantske retorike, uz efekt ulaska nekih krajnjedesničarskih ideja i diskursa u glavne društvene tokove.



Euroskepticizam: jačanje agende krajnje desnice u Srbiji

„Migracijska kriza“, skupa s pandemijom, produbila je osjećanje da je Unija napustila Zapadni Balkan i ostavila ga da sam rješava problem migracija dok je EU osigurala vlastite granice. Smatra se da takve percepcije EU otvaraju prostore drugim vanjskim silama da ispoljavaju svoje interese i uticaj.

RESOLVE NETWORK

Bolje istraživanje | Djelovanje na osnovu kvalitetnih informacija | Unaprijeđena politika
o nasilnom ekstremizmu
www.resolve.net.org | [@resolveenet](https://twitter.com/resolveenet)

RESOLVE djeluje u sastavu Instituta za mir SAD uz naslanjanje na višedecenijsko naslijeđe Instituta na polju predanog angažmana u zajednicama pogođenim sukobom.